

Was merr nitt im Kopp hott ...

Doo habb ich doch vor e paar Daach de Schorsch getroffe, wie er vorm HL in soine Seggel erumgefuehrwerkt unn doodebei alls geschennd hott. Ei Schorsch, habb ich gesaad, was issen los, du bist joo gonz nerwees, suchsde doi Dascheduch, weil derr die Träne kumme sinn bei dene Euro-Preise?

Doo guggt misch de Schorsch so rischdisch scheel oo: Du host merr grad noch gefehlt. Ich such moin Zeddel. Merr behält joo nix mieh unn doo muss ich alles uffschreiwe, was ich holle soll, unn jetz habb isch moin Zeddel dehoom vergesse. Jetz laaf ich widder reddur unn holl den bleede Zeddel. Was merr nitt im Kobb hott, muss merr halt in de Fieß hawwe.

Ich saach: Ich gieh e Stick mett derr unn doodebei will isch derr emol verzähle, wie isch dess mach, um moin ahle Kobb ze trenniern, Gehernschogging nennt merr dess. Oogenumme, ich soll finf Sache oikaafe, donn merk ich merr dess su: Ich mach enn Spaziergong uff die Wissemiehl unn ab unn zu bleib ich stieh, unn wo ich stieh bleiwe due, merk ich merr ebbes. Also Mitsubischi ferr Milch, Kelb ferr Kaffee, Traisersmiehl ferr Duddesubb ... was? Ja, Tütensuppe! He-xebersch ferr Honig, Wissemiehl ferr ...

Halt, hott doo de Schorsch gerufe, halt. Honnes, dess iss nix ferr misch, ich kann doch nitt vor jedem Oikaaf erst uff die Wissemiehl laafe.

In Gedonke mussde dess mache, in Gedonke, unn immer de erste Buchstabe merke, donn isses gons leicht. Unn wennde dann statt drei Dose Milch zwaa mettbrenge dust, oder statt Kaffee vunn Jacobs ooner innere onnern Schachdel, doo werrde nor e gons kloobissi geschennt.

Isch waaß nitt, moont doo de Schorsch, isch waaß nitt. Awwer brobiern kann ischs joo mol. Awwer jetz muss isch fort, moin Zeddel holle, sunnst krieh ich heit garnix mieh geschafft.

Omm Somsdaach habb ich widder de Schorsch getroffe, awwer der hott misch iwverhaupt nitt oogeguggd, hott sogar mett zwaa Händ su Beweeschunge gemacht, als ob ich misch fortmache soll. Schorsch, habb ich gerufe, Schorsch, du Ollwel, was issen los mett derr?

Gieh fort, du mett doine Bosse. Gestern moie sollt isch uff emm Markt drei Sache oikaafe, und doo habb isch gedenkt, probierst emol, was de Honnes gesaad hott, dust emol doi Herrn trenniern. Unn weil isch grad vorm Spieschel gestonne unn moi paar Hoorn gekemmd habb, denk isch, was brauch isch uff die Wissemiehl ze laafe, dess muss aach onnerst gieh. Unn weil ich Kummern, Brokkoli unn Grie Soß holle sollt, zeich isch in Gedonke mett moim Finger uff Kobb, Bauch unn Gesäß unn denk, su konnsdes nitt vergesse.

Dess iss aach gutgonge unn isch war rischdisch stolz uff misch.
Nor wie isch hoomkumme bin unn hadd Kummern, Brokkoli unn Artischocke oikaafd, was glaabsde, wies Kättche geschennd hott: Was soll isch mett dene Artischocke, hott se gekrische, du sollst doch Grie Soß mettbringel! Grie Soß unn koo Artischocke!

Josses naa, Schorsch, was hosden falsch gemacht?

Nitt vill. Nor iss merr statt Gesäß e onner Wort oigefalle. Unn dessweesche habb isch Artischocke kaaft.

Eiern Honnes